

增脩羅山縣志序



邑有志無不識也凡生之自天  
產之自地爲之自人皆當撫載  
以備政教之權衡而其所以維  
公道寓勸懲者則人事之得失  
爲尤要焉余不敏承乏於羅至

羅山縣志葛序一

之日閱陴池登譙樓周覽形勝  
於川則東有竹水南有黃河北  
有溲淮浩瀚千里於山則牛首  
峙於震龍山朝於坤鳳嶺魚臺  
乾貝交護而樓殿摩雲嶂屏礎  
日若靈峰黃神龍池鷄籠諸名

勝續紛錯落氣象萬千誠巨觀也退閔邑乘則鄉賢名宦孝子忠臣幽人貞婦後先相映簇簇奪目喟然曰有奇山水自有奇人物產於斯者間氣所萃毓也宦於斯遊於斯者風土所招致

羅山縣志葛序二

也地靈人傑不虛哉粵稽邑乘之修距今五十餘祀矣夫天地之化流而不息山川之秀衍而不窮兼以

國家承平日久教化大行其間達人英士擊節禱行更必有日新

月盛者而不及時備採以信  
者傳後寧非守土者責與顧以  
匆劇未有餘閒蒐訪粹難周確  
非敢緩也將有待也乙丑  
大方伯趙修志檄下予則急延  
明經李子之杜黎子思恭謝子

羅山縣志葛序三

寶樹商確其事而荷之以任因  
謂之曰夫志在得其本而已矣  
若第競藻采嚴體式其末也吾  
不爲諸君子難蓋志者質也存  
其質而法戒昭焉是則其本也  
故如在天有成象在地有成

在人有成憲或創或因或改或  
復或增或減踵而書之無所庸  
高下其手者固不慮其以文掩  
質特恐以踈畧失真至人物官  
師二志則或以私恩聲價瓦礫  
或以夙釁埋沒璣珠致令貞魂

羅山縣志葛序四

義魄結厲氣於黃昏朽木散材  
播芳聲於青史是直以公典市  
私耳卽辭若春花製如美錦其  
於立志之本奚當焉諸君子曰  
唯唯於是開局羣集廣諮博搜  
分門標類皆三君子職其勞宰

至於因革所宜以迨衮鉞攸屬  
則余與諸君子不憚徃復推求  
一惟稽之有據論之悉協歸於  
不誣其質而止肇於是年季夏  
達於明年暮春脫藁始就予覽  
其起止躍然曰茲編也可謂得

羅山縣志葛序五

志之本者矣昔尼父取魯史成  
春秋嚴褒貶於一字而榮辱以  
彰厥後班馬諸人辭章愈麗議  
論愈高而反不免粉黛亂真之  
譏者本末之辨也茲編其遷敢  
以一字上擬春秋然而其難其

慎不敢亂真則不惟諸君子能  
達予心予亦能信諸君子之心  
卽後之覽者諒亦定有同心相  
印也已諸君子唯唯而退余乃  
書以弁其首

乾隆十一年歲在丙寅仲呂月

羅山縣志葛序六

穀旦賜同進士出身文林郎知  
羅山縣事錦江葛荃撰



羅山縣續志序

竊考志也者識也識其邑之大者并識其邑之小者  
罔非備先王牧民之道以俟集大成者之采納焉蓋  
識疆域山川爲民正經界也識賦役課程懼取民之  
無制也識河防備蓄洩識倉庫待補救俾民值凶荒  
無流亡也識官師富民教民也識名宦鄉賢之崇祀  
孝子節婦之旌獎示牧民者知所法爲民者有以觀  
感而步趨也如斯鉅典而爲其事者欲詳核無遺非

羅山縣志

舊序

一

積歲月不爲功苟徒以傳聞異詞者輒據爲實錄其  
何以傳信奕禩以垂鑒戒也哉麟於己巳仲夏承乏

羅邑勤撫字而瘡痍未起勉催科而宿逋難清且旱  
寇頻虐民困日增夙夜戢兢不遑寢食未獲巡封疆  
之形勝稽先哲之典型訪芳躅於山林弔貞魂於丘  
壟統俟民困少蘇次第及之恭逢 大中丞閩公當  
綏又餘閒舉纂脩盛事三代之直道復行千秋之大  
業不朽矣一旦下採風之令麟奉檄茫然不敢冒昧

以驟應特爲訪延名宿詳加商確明經者傳以有  
若樞羅經博學彥士則有劉名鼎劉名葵輩與之約  
曰舊志序羅大參云寧慎毋疎寧約毋濫誠修史要  
言尙共遵之以不負寸心者不負千古庶足以無負  
憲檄諄諄之至意於是矢公矢慎廣搜嚴核凡有裨  
於風教者不憚詳收無當於傳信者概焉闕之每於  
簿書稍清時輒爲巡行訪采涉淮澗諸水挹其清漣  
深凜素餐之戒陟靈大羣峯瞻其高峻時欽仰止之

羅山縣志

舊序

二

思閱並峙之兩關信爲地靈天險第念戍守之久弛  
益懼逋逃之潛伏履耦耕於百畝免稱土瘠民勞旣  
喜爲善之甚易復矜納賦之維艱遍攷遺踪於先詰  
誠宜亦步亦趨廣搜軼事於淑姬洵是可歌可泣問  
耆老併暨芻蕘續新編先訂舊乘不撓於盈庭不隳  
於築舍自庚午霜降迨辛未冬至而志始成於以由  
邑而上之魏由魏而上之省由通志而上之一統  
志敢云媲美於古史哉或者山城小乘方之集大成

中亦得爲協律之一器一音云爾  
康熙三十年歲次辛未月應黃鍾長至日知羅山縣  
事加一級三韓魯麟謹撰

羅山縣志

舊序

脩羅山縣舊志序

羅山屬古豫州域控河山之勝接吳楚之壤沃野數  
百里人競耕作士習詩書蓋一都會也經兵燹後已  
大非昔時景象矣我

朝定鼎來始獲安堵然瘡痍者未盡起流亡者未盡集  
滿目荒蕪百廢未舉蒞茲土者攜凋殘之餘勤撫字  
勸力田百意節物一意寧人夙夜焦勞仰質之古名  
公治蹟慮無以符其萬一矧求一言一行之可錄其

羅山縣志

舊序

四

敢乎哉會履任數日卽奉檄脩邑志夫志者誌也風  
俗之利病於此焉彰卽政治之得失於此焉著也榮  
辱千載是非寸心得不得不戰戰乎敬之哉爰延邑之紳  
士議纂脩以續成一邑大觀然滄桑變遷圖籍散佚  
世遠言湮者無論近如前之治是邑者莫不聞李公文  
安李公二舊乘全羅掌故家片楮無存况自丁卯迄  
今三十年來事實未登記室其荒畧弗傳又可臆  
哉幸有博士黎子天民舉子拱樞相與廣搜各州府

文遍訪碩耆睹記而舊志適購之隣封參互  
拔新書自夏迄冬閱三季而告成是不獨前代遺籍  
不隨斷簡銷沉而

新朝大典備此實錄亦庶乎弗致闕漏也雖然書不盡  
言言不盡意孔子觀十五國之風而存詩三百一篇  
之中凡三致意焉輯魯史成春秋褒貶一字不溢而  
法戒以昭故一事而施之民者善而凡善之及民者  
視此矣一事而施之民者未善而凡不善之及民者

羅山縣志

舊序

五

視此矣則志者誌夫事而所以誌事之意非徒備觀  
覽固以寓勸懲而垂久遠也期爲可法期爲可傳得  
不戰戰乎敬之哉試以余心仰質之襄陵文安兩名  
公其許我乎否也

順治十六年十一月中浣三日羅山縣知縣候官李  
賡明題於退思堂

重修羅山縣舊志序

今上卽位十六年所歲爲己亥月爲黃鍾羅邑志書告成邑人劉士蘭爲之序曰朝有史邑有乘無俟曲引煩稱也獨是羅志之源流較他志絕異竊嘗聞諸老成人曰邑志在明嘉隆前疎率未稱完璧萬曆初年令吾土者關中張君薇銳意增脩於夢寐間若有所聞羅志闕木來刻之識初亦不解爲何等語也尋備梨棗爲剗刷之用繼以事去而李侯來自襄陵恒傷

羅山縣志

舊序

六

羅志之陋見廊廡間梨棗克物詰典守語以故侯大悟曰木來我之謂也遂詣清白公清白致政歸田邑之治亂臧否雅不欲聞惟忻心於修書盛舉勸侯經營哀集而成書嗟夫襄陵之木異材也養其體於沆瀣冰雪之中而善其用於廊廟江湖之際如榱桷杞梓輪菌離竒留茲一編爲吾邑破暗燈其明德遠矣厥後賢令長稍加補綴未可以言修書也閱四十年羅之人物庶事日新月盛而襄陵之刻又復缺然未

備毋何而李侯來自文安文安之木良材也中正直  
方其負重可以斲扁鵲之輪而華國可以登栢臺之  
棟爲政數載百廢俱興乃與吾家大司寇議重輯舊  
志而司寇借武陵守實力圖焉其筆墨高卓簡重較  
舊牘更爲雄觀由丁卯至於今已餘一世滄桑變遷  
全羅掌故之家圖史蕩然俱盡求文安所彙之片紙  
不可得識者方有殷憂而我侯來自侯官侯官之木  
全材也仁根義幹以禮爲修枝長條以智爲繁花密

羅山縣志

舊序

七

葉以信爲碩果佳實天之寶也國之禎也而爲生民  
之所利賴宰極凋敝之巖邑保民造士剔弊釐奸訴  
冤人走鏡中抱案吏立冰上不半載而吾羅饒有起  
色卽進諸生課制藝別其良楛羅之人士始知侯重  
道崇儒胥慶曰侯其漸徵文獻乎會修書檄下侯大  
會賓客遍訪風土人物古今興廢敦請耆儒數輩設  
館授食以從事焉復懸重金購襄陵文安舊志各一  
冊面命二三子曰重典也諸君勉乎哉大抵以襄陵

爲胚胎以文安爲神骨侯復冠裳而潤澤之洪纖無遺質文俱備彬彬蔚起居然鉅軸鴻篇非百雉荒城小紀矣噫此上之教也侯之功也羅之慶也獨是經始自襄陵而清白爲之後先大備於文安而司寇爲之經紀自

鼎革以來其間有捐身殉國矢死全身者貞魄忠魂日望闡揚於簡牘則重輯者實嘉賴乎侯官余復得拜下風而聞餘論焉一邑之典章或先或後執事者皆

羅山縣志

舊序

八

柱下之胄而趨事者皆藜閣之裔其機緣誠有不可解者而羅志闕木來刻之識上下百餘年間事已前定豈不奇哉余秋初離灞漉赴銀臺

新命駐節嵩洛間接侯郵來志稿篝燈三復彷彿遊羅之山川道路覽羅之烟火村墟揖羅之父兄子弟又彷彿登宓子之堂聽侯之洋洋雅奏也乃侯之操履治績隆隆日上他日

天子或召侯坐銓曹知諫垣羅爲侯始筮仕地侯於退

食之暇手把是編則羅之山川道路烟火村墟父兄  
鳩杖而躋公堂兒童竹馬而迎郊野離離如在侯目  
前矣焦山云瞬息神游其侯與予之謂與余素不工  
文詞無以塞侯來命乃撫脩書之終始謾勒爲序云  
順治己亥仲冬之吉

賜進士第出身中憲大夫通政使司右通政劉士蘭  
湘蔚氏題於嵩洛道中

羅山縣志

舊序

九

羅山縣舊志序

作史者識不足以博天下之物明不足以窮天下之  
理才不足以決天下之疑言不足以持天下之公則  
君子弗取焉郡邑之志郡邑之史也孔子曰文勝質  
則史又曰吾志在春秋毋繁縟悅徒工悃悞不類世  
無信史取其義而筆削之以維王跡於不墜夫乃仲  
尼確志乎羅古隄塞也萬山拱翠六水環清多名勝  
可紀其間達人蔚起忠孝流芬廉貞表異者抑亦史  
羅山縣志

舊序

十

不絕書豈當時頓無小大識之者而滄桑代變文獻  
彫佚或以無徵議修復之則自襄陵李侯始也而  
屬草創未盡精核卽補綴成編尚幾舛錯邑方伯劉  
載甫公有憂之每思慨然善若事客歲以二東巡  
歸過申陽招予王思延宅謂予曰王者省方觀民  
志是問而彰往察來更以禪千古吾邑雖蕞爾若  
文偉孟子恭萬年少孤王縣子輩皆卓犖人豪而  
胥亡其何以備咨諏垂奕世乎吾將從李合公之

肩厥役也因盡繙前稿及諸舊刻與涵長孝廉君  
力組治如懿范鳥奕徽猷焯爍爲志之闕者增之如  
殘牒迂蕪野毛纖雜爲志之累者刻之如里巷幽芬  
吏氓沈疴爲志所未悉者闡而揭之如風影傳訛魯  
魚滋誤爲志所應辨者攷而正之叅故衍新衷以立  
覽析綱臚目卓有鴻裁至傳贊典則式玉式金又在  
三秦兩漢之上已洵一時之實錄奕世之憲章也纂  
告竣公函一帙示予且命予序予以公負有夙慧綜

羅山縣志

舊序

十一

覈羣芳西窵汲墳無不摻之秘其取精奢矣攬轡澄  
清周遊九野瞽工岳牧無不茹之奇其集思富矣旁  
通乎性命之情曲致乎民物之隱而撫今追昔含垢  
揚薶凡所爲感興廢嚴衮斧軫利病挽淳澆者靡不  
天地之鑒而日月之昭豈第摘藻春華班馬質成董  
狐遜席可稱良史而世道民風千古無墜實嘉頌之  
筆削而後寥寥不槩見也予於此窺作者之志轉  
然於春秋之微矣卽游夏曷能贊一辭 崇禎初元